

# Ядерн сөрлгъ келгъиз уурулхин туск төрәр Советск правительствин герчлгън

Женевд октябрин 31-д сөгдджэх совещань деер ядерн селмтә гурвин орн-нутг, күмн-әмтнә кедж гаргъ-джах, әмтнд үкл авч ирдг, цань уга ик күчтә эвдрлт өгдг селмиг сөрдж хәләльгъиг мөнъкиндән уурулхмн гисн тууджлгч төриг сән болдгар негинь олдж чадх эвтә-аргъта гидж Советск правительств герчлгъ кев.

Ядерн селмиг сөрлгъиг хама болв нигн цаг түдл уга мөнъкинд уурулхиг Советск правительств некәд, эн төриг цааранднь уданар татлгън, орн-нутгуд хоорндан зөвтән бактхд, эн тускар, дакн немур харшлтан халдахмн гидж герчлджәнә.

Нег джилд селм сөрлгъиг уурулхмн гисн США-н болн Великобританә селвиг Советск правительств тас ирлән уга, хаджър йовдл гидж бурушаджана. Өдгә цаг күртл кесг дакдж дарагъар сөрлгъ кечкәд, им селвг өгхләрн США болн Великобритань, Советск Союзас дәәнә халхар деерлкджәнәвдн гисн йовдл.

Советск правительствин герчлгънд цааранднь келгдджәнә:

«США-н болн Великобританә келгәд бәәсн сөрлгәнә тоод ирлцүлдж, теднә сөрлгъ келгәнлә әдл то сөрлгъ кех зөв Советск Союзд западн орн-нутгудин гаргәд бәәдг йовдл өгнә, Советск Союз дакнас сөрлгән әкленәс авн кеджәх сөрлгәнә тонь тер ордудин 1958 джилин мартин 31-с нааран кесн сөрлгәнлә әдлцтл сөрлгъ кех зөв өгднә.

Мел им зөвтә болджана гидж герчлгънд цааранднь келгднә. США болн Великобритань бооцагъан эвдәд, атомн болн водородн селм сөрлгъиг мөнъкиндән уурулхин тускар бооца кех хаалгәд харшлтан халдагәд бәәхлә, Советск правительств әврәннь олн-әмтән аәмшг уга бәәлгъхин төлә бас сөрлгъ келгәд бәәх зөвтә».

Керп США болн Великобритань им бооца кех зөвт багтхла, СССР мел дорнь гаран тәвчкәд, тедилә хам-

дан цаг түдл уга, нам Советск Союз тедн дорхнь багъар сөрлгъ кесн болдг болв чигн, сөрлгъ келгән уурулхмн.

Западн орн-нутгуд ядерн селм шиндждж сөрлгәрн Советск Союзас давдж одв, тер учрар «сөрлгъ келгъиг уурулхмн гисн, керг уга юмн болджана» гисн бәәдлтә иткүлгън цань уга ичртә худл йовдл гидж Советск правительствин герчлгънд заагдджана.

Советск Союз ядерн шиндждлгәрн—сөрлгәрн «хоцрдж йовна» гисн бәәдлтәгъар зәрмсиннь ухан-седклд ордг болхла, тернь зугл санджах санагъан үнәд хүврүлхәр седлгън.

Сүүләрнь герчлгънд келгднә: Женевд болджах совещаньд Советск Союзин элчир цаг түдл уга делгү, мөнъкиндән ядерн селм сөрлгъиг уурулхин төлә зүткхмн.

(ТАСС).